

կիոյ աթոռին ենթարկելու և Գրիգոր Կեսարացին հոն դարձեալ պատրիարք դնելու փորձը ձախողեցաւ, վասնզի Յովհաննէս Խուլ պատրիարք, իր պաշտօնին սպառնացող վտանգը տեսնելով փութաց Ադրիանուպոլիս, ուր էր արքունիքը, և յաջողեցաւ իր դիրքը պահել և 1613 Մայիս 25ին աքսորել տալ Կ. Պոլիսէն Կիլիկիոյ կաթողիկոսը և իրեն ընկերացող երեք եպիսկոպոսները (հմտ. Գրէգոր Դաւանաշէն էջ 180-181):

Սակայն Կեսարացի աննկուն կամքի տէր անձ է: Յուսահատիլ չի գիտեր: Ձենք գիտեր ինչպէս, սակայն որոշ է թէ երկու տարի յետոյ, 1615ին, կը յաջողի գրաւել Կ. Պոլսոյ պատրիարքական աթոռը (Աղբապարտ, էջ 2351 և Գալէմքեարեան, Կենսագրութիւններ, Ա. էջ 16):

Այս ժամանակ արդէն կաթողիկ հաւատածաւալ քրիստոնէութեան հետեւանքները զգալի դառնալ սկսած էին Արեւելքի և մանաւանդ Հայոց մէջ:

Հայ եկեղեցականներէն ոմանք յարում ցոյց տալ սկսած էին դէպի կաթողիկոսութիւն զանազան նկատումներով և աւելնկալութիւններով:

Էջմիածնայ ապաշնորհ կաթողիկոսը՝ Մելքիսեդեկ, այս տխուր դէմքը Հայ եկե-